

石

匱

書

石廬書第二十七卷

明 鈺南張 岱著

科目志總論

自古取士之法漢人以策晉人以詞賦唐人以詩宋人以策論元人以曲奄至我明特重制義夫制義者王荆公所作俑初為八股以摹寫聖賢口吻機鋒相對止在針芒高皇帝識高千古留心著作真見諸體之難無過制義蓋用以鏤刻學究之肝腸亦用以

消磨豪傑之志氣者也。故後生小子輩門圭竇雪案
螢牕白首窮經負笈教學。雖以真正英雄屈首此道。
滿腹才華滿腹學問。滿腹書史。皆無所用。之特以枯
管毛錐。孤行其意。一字不協。滿幅俱差。片語不諧。全
篇俱失。有人於此。一習八肢。則心不得不細。氣不得
不早。眼界不得不小。意味不得不酸。形狀不得不寒。
壯勝不得不腐。學使者踰年一考。省御史三年一試。
連赴數科。則精神消耗。意氣沮喪。大事去矣。自洪武

以來行之二百八十二年高皇帝以之大誤舉子而
舉子效而尤之亦用以大誤國家何者舉子應試原
無大抱負止以咕嗶之學迎合主司即有大經濟大
學問之人每科之中不無一二而其餘入彀之輩非
日暮途窮奄奄待盡之輩則書生文弱少不更事之
人以之濟世利民安邦定國則亦奚賴焉故自崇禎
末季立賢無方於新舊甲科之中櫛比求之並無一
士則高皇帝之誤人尤小其所以自誤則甚大矣

嗟レ八股一日不廢則天下一日猶不得太平也善
哉乎父南英之推言之也其日序歷試章有曰嗟乎
倘嘗諸生之苦未有如南英者也舊制諸生於群縣
有司按季課程名季考及所部御史入境取其士什
之一而校之名觀風二者既非諸生黜陟進退之所
係而英又以嬾慢成癖輒不及與試獨督學使者于
諸生為職掌其歲考則諸生之黜陟係焉非患病及
內外艱無不與試者其科考則三歲大比縣升其秀

以達於郡。升其秀以達於督學。督學又升其秀以達於鄉闈。不及是者。又有遺才。大收以盡其長。非是塗也。雖孔孟無由而進。故英先後試卷。盡出是二者。試之日。街鼓三號。雖冰霜凍結。諸生露立門外。督學衣緋坐堂上。燈燭輝煌。圍爐輕煖。自如諸生解衣露足。左手執筆硯。右手持布襪。聽郡縣有司唱名。以次立前道。至督學前。每諸生一名。搜檢軍二名。上窮髮際。下至膝踵。保腹赤踝。為漏數箭而後畢。雖壯者無

不齒震凍慄腰以下大都寒泛僵裂不知為體膚所
在過天暑酷烈督學輕綺蔭涼飲茗揮毫自如諸生
什百為群擁立塵坵中法既不敢執扇又衣大布厚
衣比至就席數百人夾坐蒸薰腥雜汗淫浹背勺漿
不入口雖設有供茶吏然率不敢飲必米飴其贖
疑以為弊文雖工降一等蓋受困于寒暑者如此既
就席命題一一以教官宣讀便短視者一書牌上吏
執而下巡便重聽者近廢宣讀獨以牌書某學某題

一日數學則數吏執牌而下而英以短視不能見咫尺必屏氣囁嚅詢傍舍生問所目而督學又望視臺上東西立瞭高軍四名諸生無敢仰視四顧麗立伸欠倚語側席者有則又以朱鈴其睛以越規論文雖工降一等用是腰脊拘困難洩溺不得自由蓋所以摯其手足便利者又如此所置坐席取給工吏以大半浸漁所費倉卒取辦臨時規制狹迫不能舒左右肱又薄脫疎縫據坐稍重即恐折仆而同號諸生常

十餘人慮有更號率十餘坐以竹牀之手足稍重則諸坐皆動竟日無寧時半為跛躄而自閤中一二督學重懷扶之禁諸生併不得執硯工人取給工吏率皆青剎頑石滑不受墨雖一事足以困其手力不幸坐漏痕承簷所在霖雨傾注以衣覆卷疾書而畢事蓋受困于胥吏之不謹者又如此此閱卷大率督學以一人閱數千人之文有平奇虛實煩簡濃淡之異而主司之好尚亦如之取必于一流之材則雖宿

學不能無恐而英常有天幸然高下既定督學復衣
緋坐堂上郡縣有司候視門外教官立階下諸生俛
行以次至几案前跪而受教噤不敢發聲視所試優
劣分從甬道西角門以出當是時其面目不可以語
妻孥蓋所為拘牽文法以困折其氣者又如此嗟乎
倘嘗諸生之苦未有如南英者也至入鄉闈所為搜
檢防禁因首垢面夜露晝曝暑暍風沙之苦無異于
小試獨起居飲食稍自便而房司非一手又皆薄

書訟獄之餘而英七試七挫改絃易轍智盡能索始則為秦漢子史之文而闡中目之為野改而從震澤思陵成弘先正之體而闡中又目之為老近則雖以公穀孝經韓歐蘇曾大家之句而房司亦不知其為何語每一試已則登賢書者雖空踈庸腐稚拙鄙陋猶得與郡縣有司分庭抗禮而英以積學二十餘年制稅自鶴灘守溪下至弘正嘉隆大家無所不究書自六籍子史漁洛闕閩百家衆說陰陽兵律山經地

志浮屠老子之文章無所不習而顧不得與空疎庸腐稚拙鄙陋者為伍。每一念至欲棄舉業不事杜門著書考古今治亂興衰之故以自見於世而又念不能為逸民以經老嗟乎。備嘗諸生之苦未有如南英者也。古之君子有所成就則必追原其剔歷勤苦之狀以自警。上至古昔聖人昌言拜交必述其艱難創造之由。故曰逸能思初。安能惟始。故試卷雖鄙劣瑣陋不足以存。然皆出于勤苦憂患驚怖束縛之中。而

況數先生者又皆令世名人鉅公而英以一日之執
附弟子之列語有之知己重予感恩今有人于此衣
我以文繡食我以稻粱樂我以臺池鼓鐘然使其讀
予文而不知其原本聖賢備見古今與道德性命之
所在英終不以彼易此且英淹困諸生既無以報知
已而一二君子溘先逝者又無以對先師于地下以
其出於勤苦憂患驚怖束縛之中而又以存知己之
感此試卷之所為刻也

太祖孝陵

洪武四年辛亥吳伯宗江西撫州府金谿縣人庚戌江西解元登第授禮部員外郎忤胡惟庸坐誅未幾召還累遷國子監司業兼武英殿大學士不預閭務尋降檢討為名臣

洪武六年癸丑金鑄高麗人以外國人後歸原籍為高麗相

洪武十八年乙丑丁顯福建建寧府建陽縣人授

修撰後復遺歸是科著名者會元黃子澄分五
人

按辛亥三月詔各行省連試三年歲貢三百人
迨癸丑二月上以有司所取多後生少年文
雖可米然試用之不能措諸行事遂罷科舉
賢良至甲子復開科取士定子午卯酉之年鄉
試辰戌丑未之年會試遵行至今不變

洪武二十一年戊辰任亨泰湖廣襄陽府襄陽縣

人授修撰甚被寵任每召議手書褒陽任而不
名仕至禮部尚書是科著名者解縉吉水人齊
泰溧水人卓敬瑞安人

洪武二十四年辛未許觀直隸池州府貴池縣人
從母姓應試舉三元仕至禮部侍郎建文改官
制又為侍中改姓黃靖難死節

洪武二十七年甲戌張信浙江寧波府定海縣人
仕至侍讀以教韓王寫杜詩舍藥劑及勅藥劑

御製二語得罪復以丁丑考試事誅之

洪武三十年丁丑春榜陳郊福建福州府閩縣人

却精於天文自言今歲魁宿在閩坐第後當被

刑戮後果驗夏榜韓克忠山東兗州府武城縣

人授修撰陞國子司業修明學政尋陞河南僉

事是科著名者黃淮永嘉人探花焦勝樂平人

按是年丁丑會試考官學士劉三吾紀善白信

稱取宋琮等五十一人中原西北無一登第者

及廷試以陳郊為首尹昌隆次之劉士諤又次
之下第者以三吾等南人為言上怒命儒臣
再簡落卷中文理佳者第之於是侍讀張信侍
讀戴彛贊善王俊華司直郎張謙司經校書嚴
升載正字董貫長史王章紀善周衡蕭楫及郊
昌隆士諤各閱十卷或言劉白囑信等以劣卷
進呈上閱卷益怒親賜策問取克忠等六十
一人皆山東山西北直河南陝西四川士也考

官信等俱磔殺之三吾以老戍邊郊謬安置戚
寧惟戴葵尹昌隆得釋尋取郊謬歸為司賓司
儀署丞復殺之世稱春夏榜又稱南北榜

讓帝

建文二年庚辰胡廣江西吉安府吉水縣人讓帝

謂其與漢臣同姓名且云胡豈可廣更名靖尋
入內閣文皇登極復名廣累官左春坊學士進
文淵閣卒贈少師謚文穆是科著名者楊榮福

安人楊溥石首人金幼孜新淦人胡濙武進人

顧佐太康人

成祖 長陵

永樂二年甲申曾榮江西吉安府永豐縣人榮廷

對策策二萬言不屬草 成祖奇之推第一賜

冠帶視筭仕至侍讀學士卒贈禮部左侍郎謚

襄敏是科 成祖欲求博洽之士命學士解縉

採天文律曆禮樂制度為問惟榮對詳贍上

喜御批貫通經史識達天人有講習之學有忠
愛之誠摧魁天下昭我文明尚資啟沃惟良顯
哉是科著名者王直泰和人李時勉安福人陳
敬宗慈谿人周忱吉水人

按是科取士四百三十二名江西中式一百十
名而吉安府占三十六名蓋是科莫盛於江西
而江西尤盛於吉安 癸未年禮部上言科舉
舊例應於子午卯酉年鄉試去年兵戈擾攘未

及舉行請以今年秋補試制曰可故會試改於
甲申新進士李衡自言臣父洪武中得罪歿
於法臣不當違令干進上曰古之聖人亦有
罪其父而用其子者但為子能改父行致顯聞
於世足以為賢若以父死非命終身不仕亦未
必合於中道爾能力學進用雖違令而志可嘉
朕不爾罪而其勉之

永樂四年丙戌林環福建興化府莆田縣人及第

之明年陞侍讀預修永樂大典書經總裁官而
為會試考官是科著名者王驥東原人

按是科取副榜舉人廷試之推周翰等三人俱
賜冠帶讀書太學餘除教官宣德間猶循此例
至正統後副榜不復廷試矣

永樂九年辛卯蕭時中江西吉安府廬陵縣人官
修撰卒是科著名者于謙浙江錢塘人薛瑄山
西河津人錢習禮吉水人

按己丑三月當廷試會 上巡狩北京詔禮部
以所取舉子陳璉等寄監讀書辛卯年 車駕
還京乃舉廷試

永樂十年壬辰馬鐸福建福州府長樂縣人官修
撰平是科著名者羅通吉水人陳鎰吳縣人

永樂十三年乙未陳衍江西吉安府泰和縣人甲

午解元仕至少保戶部尚書華蓋殿大學士徐

有貞簡于謙併及循謫戍尋赦歸卒詔復官是

年會試主考梁潛取陳循第一以循鄉曲避嫌
改置第二而取林文祐又以祐字難識取洪英
第一陳循次之而文祐第六不然陳循亦中三
元矣是科著名者王翔鹽山人高穀興化人
按是科始詔天下舉子會試北京

永樂十六年戊戌李騏福建福州府長樂縣人丁
酉解元原名李馬與壬辰狀元馬鐸同母異父
廷試後上改馬為騏唱名莫有應者上道

其故乃出應官修撰卒

永樂十九年辛丑曾鶴齡江西吉安府泰和縣人
授修撰預修定錄陞侍讀學士掌南院是科著
名者劉球安福人

永樂二十二年甲辰邢寬直隸廬州府無為州人
累官侍講學士掌南院上初取豐城孫曰恭

第一嫌其名近暴字曰孫暴不如邢寬擢寬第
一以丹書一甲第三名一時稱為異事是科著

名者軒輓鉅鹿人耿九疇盧氏人

宣宗 景陵

宣德二年丁未馬愉山東青州府臨朐縣人累官

侍讀學士入內閣卒贈禮部尚書謚襄敏楊士

奇云宣德以前十五科狀元及第者皆南人以

北人居首選蓋自丁未始

宣德五年庚戌林震福建福州府長樂縣人及第

後以疾歸終於修撰是科著名者會元陳詔青

田人廖莊吉水人劉實安城人

宣德八年癸丑曹魯直隸真定府寧晉縣人永樂

癸卯舉人授代州學正上書願得劇職自効改

泰和典史至是以督工匠赴京請與會試許之

遂登會榜第二人廷試及第授修撰陞侍讀入

內閣典制日侍講讀累遷吏部左侍郎兼學士

正統己巳以拾土木贈太傅吏部尚書兼文淵

閣大學士謚文襄改謚文忠是科著名者李賢

鄧州人

英宗 裕陵

正統元年丙辰周旋浙江溫州府永嘉縣人官左

春坊左庶子卒是科著名者會元劉定之江西

永新人李秉曹州人崔恭直隸人

正統四年己未施槃直隸蘄州府吳縣人官修撰卒

是科上取昆山張和第一使黃門密至其邸覘
之以有目青遂置二甲一名改槃第一是科著

名者章綸樂清人倪謙上元人王竑河州人

正統七年壬戌劉儼江西吉安府吉水縣人累官

太常寺少卿兼春坊學士卒贈禮部侍郎謚文

介是科著名者曾元姚夔浙江桐廬人項忠嘉

興人程信河間人韓雍長洲人呂原亨水人王

槩廬陵人

正統十年乙丑商輅浙江嚴州府淳安縣人年二

十以三元及第四年以修撰入閣習制誥讀中

秘書、天順元年忤石亨削籍。成化三年復召入。
十三年以少保謹身殿大學士致仕。卒。贈太傅。
謚文毅。是科著名者葉盛、崑山人。

正統十三年戊辰彭時江西吉安府安福縣人。累

官至少保兼吏部尚書、文淵閣大學士。卒。年七

十。贈太師。謚文憲。傳。臚次日。舊例狀元率諸進

士午門謝恩。彭時發起服朝衣。隱几卧。失曉。鴻

臚寺官廷劾當捕逮。上曰。宣索之。得免。議是。

科著名者會元岳正北直涿縣人劉翊壽光人
王恕三原人王問無錫人鍾同吉安人馬文升
鈞州人余子俊青神人林鶚太平人楊守陳鄞
縣人秦紘單縣人高明廣信人黃紱封丘人

景帝

景泰二年辛未柯潛福建興化府莆田縣人授脩
撰成化間以少詹事居母憂值祭酒員缺上
以潛剛方特起用以歷士論潛疏乞終制許之

年卒是科著名者王越濬縣人

景泰五年甲戌孫賢河南開封府杞縣人累官太

常寺卿兼翰林學士致仕卒贈吏部左侍郎謚

襄敏是科著名者徐濬宜興人丘濬瓊山人何

喬新南城人楊瑄豐城人耿裕盧氏人鄧廷讚

巴陵人

英宗復辟

天順元年丁丑黎淳湖廣岳州府華容縣人官至

南京禮部尚書卒贈太子太保謚文僖是科著
名者楊繼宗陽城人彭韶莆田人

天順四年庚辰王一夔江西南昌府新建縣人官
至工部尚書卒贈太子少保謚文莊是科著名
者會元陳選臨海人劉健洛陽人張元楨南昌
人張悅華亭人周經陽曲人黃孔昭太平人

按是科有下第安福縣舉人萬經奏同考官脩
撰劉宣以同縣人見黜上命禮部及內閣試

之文多踈謬命初示禮部前華為民

天順八年甲申彭教江西吉安府吉水縣人己卯

江西解元仕至侍讀學士是科著名者李東陽

茶陵人會元陸鉞崑山人劉大夏華容人張敷

華安福人戴珊浮梁人謝鐸黃岩人倪岳上元

人

按是科癸未二月會試場屋火試官越牆免舉

于焚死者九十餘人上憐之賜死者俱進士

詔八月再試甲申三月廷試

憲宗 麓陵

成化二年丙戌羅倫江西吉安府永豐縣人廷對

頃刻萬言擢置第一官修撰即疏劾閣臣李賢

不奔喪請市舶提舉尋沒官以疾辭歸卒贈諭

德謚文毅是科著名者會元章懋蘭溪人賀欽

廣寧人李傑常熟人程敏政休寧人林瀚閩縣

人許進靈寶人熊繡道州人韓文洪洞人莊永

江浦人

成化五年己丑張昇江西建昌府南城縣人授修
撰陞左春坊庶子因災異劾大學士劉吉降南
京工部員外郎後以薦復原秩累官太子太保
禮部尚書致仕卒贈太子太師謚文僖是科著
名者雍泰咸寧人

成化八年壬辰吳寬直隸蘄州府長洲縣人舉會
試第一累遷翰林學士掌詹事府事尋陞禮部

尚書卒謚文定是科著名者楊一清雲南人陳
壽新塗人

成化十一年乙未謝遷浙江紹興府餘姚人甲午
解元弘治中充經筵講官歷加少傅吏部尚書
武英殿大學士弘治末疏乞致仕嘉靖初起戶
部尚書進謹身殿明年致仕卒贈太傅謚文正
是科著名者會元王鏊吳縣人

成化十四年戊戌曾彥江西吉安府泰和縣人官

至侍讀學士卒是科著名者會元梁儲順德人
楊廷和新都人林俊莆田人

成化十七年辛丑王華浙江紹興府餘姚縣人以
儒士中浙江庚子第二名歷官禮部侍郎陞南
京禮部尚書致仕卒後以子守仁貴封新建伯
是科會元趙寬吳縣人仕至廉使

成化二十年甲辰李旻浙江杭州府錢塘縣人庚
子江西解元歷西京國子監祭酒仕至南京吏

部侍郎是科著名者會元儲瓘泰州人邵寶無

錫人蔡清晉江人王雲鳳和順人

王環陽曲人
喬宇樂平人

成化二十三年丁未費宏江西廣信府鉛山縣人

歷官至少師兼太子太師吏部尚書華蓋殿大

學士三入政府卒贈太保謚文憲是科著名者

羅玘南昌人鄒智合州人吳廷舉蒼梧人傅珪

清苑人王鴻儒南陽人楊廉豐城人石瑄萊城

人

按是科禮部尚書周洪謨奏本年天下試錄文
多乖謬乞追奪考官訓導黃金等聘禮行巡按
提問從之

孝宗 泰陵

弘治三年庚戌錢福直隸松江府華亭縣人舉會
試第一廷試策三千餘言詞理精確如宿構劉
文穆讀其卷大加稱賞請於上復置第一福
為人恃才任達為衆所忌故以修撰終其官是

科著名者彭澤蘭州人

弘治六年癸丑毛澄直隸蘄州府蕪山縣人大令歷官

太子太傅禮部尚書卒謚文簡是科著名者孫

燧餘姚人李夢陽慶陽人李承勛嘉魚人

弘治九年丙辰朱希周直隸蘄州府吳縣人官至

太子太傅吏部尚書卒謚恭靖是科著名者陳

茂烈莆田人

弘治十二年己未倫文叙廣東廣州府南海縣人

是科探花出
集垣人劉龍也
官至禮部
尚書加太保諡
又安有紫巖
集行世

又曰

卷二

八

舉會試第一仕至右春坊諭德兼侍講尋卒贈
祭酒是科著名者王守仁餘姚人梁材南京人
按是科會試副考禮部侍郎程敏政問策秘甚
人罕知者其故所昵門生江陰徐經平日窺得
之告於同年解元唐寅由是各策舉答無遺寅
因自矜誇必得上第為給事中華最及林廷玉
所劾詔逮敏政經寅俱下獄按問竟自誣服購
敏政家人得之獄成敏政致仕經寅俱充吏

弘治十五年壬戌康海陝西西安府武功縣人官
修撰以教李夢陽詣劉瑾私宅造膝密談遂坐
其黨罷官歸里是科著名者何景明陝西人

弘治十八年乙丑顧鼎臣直隸蘄州府崑山縣人
官至少保兼太子太保禮部尚書武英殿大學
士卒贈太保謚文康初閣臣擬魏校第一因其
策中有開陛下在坤寧宮之時多在乾清宮之
時少等語不可宣讀抑置二甲第九而鼎臣遂

得首擢是科著名者崔銑安陽人湛若水廣東
增城人會元董玘會稽人穆孔暉堂邑人黃華
莆田人

武宗康陵

正德三年戊辰呂柟陝西西安府高陵縣人官至
南京禮部侍郎卒贈尚書諡文簡是科著名者
韓邦奇朝邑人許逵固始人

按是科焦芳子黃中二甲第一劉宇子仁二甲

第四皆逆瑾黨也。同刻黃中及三甲一名胡纘宗策俱授檢討。尋改劉仁及邵銳黃芳為編修。黃中再進侍講。瑾誅。黃中仁為民銳芳纘宗俱坐貶。

正德六年辛未楊慎四川成都府新都縣人。太保楊廷和子。及第後以議大禮不合。謫戍滇南。博綜群籍。為海內宗工。卒於滇。隆慶初贈太常寺少卿。是科會元鄒守益安福人。

正德九年甲戌唐臯直隸徽州府歙縣人官至侍

講學士卒於官是科著名者會元霍韜廣東南

海人馬理陝西三原人

正德十二年丁丑舒芬江西南昌府進賢縣人官

修撰己卯以首諫南巡廷杖降福建市舶司副

提舉辛巳復官甲申會議大禮再杖於廷乙酉

卒贈諭德謚文節配享羅倫祠是科著名者李

本會稽人汪應軫山陰人

正德十六年辛巳楊維聰直隸順天府固安縣人
累官光祿寺卿是科著名者張孚敬永嘉人與
言貴谿人

按庚辰會試後武宗狩於南京未及廷試至
明年世宗登極始舉行之

世宗 永陵

嘉靖二年癸未姚洙浙江寧波府慈谿縣人官脩
撰為經筵講官歷陞侍讀學士是科著名者會

元李舜臣樂安人鄭曉海鹽人

按己卯科宸濠變作遂輟鄉試壬午科唐龍巡
按江西上疏乞倍增舉人名數上從之中式
舉人一百九十名

嘉靖五年丙戌龔用卿福建福州府懷安縣人仕
至祭酒卒是科著名者會元趙時春平涼人

按是科廷試後彌封官以會試前列卷送內閣
以備一甲之選或內閣審現狀頭儀貌及平日

有聲者且閱卷官出自東閣歸宿私第禮部席
書疏其弊乞禁彌封官不得豫送卷讀卷官退
朝直宿禮部上從之著為令

嘉靖八年己丑羅洪先江西吉安府吉水縣人官修
撰還春坊贊善十九年儲位未定洪先上疏請

皇太子於元日御文華殿受群臣朝賀上怒

謫為民庶為不起卒贈光祿寺少卿謚文恭初

大學士楊一清等以一甲羅洪先程文德楊名

及唐順之陳束任漸六卷進覽 上一品題

批洪先曰學正有見言謹而意必忠宜擇之首
者文德曰探本之論名曰能守聖學以為本此
知要之說順之曰條答精詳殆盡束曰仁智之
說本諸吾心此不易之論漸曰勉朕敬一之為
主忠哉後一清等考庶吉士以唐順之任漸陳
束曾經御批日取冠前列居數日有旨適年以
來每為大臣徇私選取市恩立黨唐順之等一

體除用有才行卓異學問優正者吏部舉奏收之翰林以脩摺用

按是科御史周易上言順天試錄文裁改聖經且失體主考右庶子韓邦奇降太僕寺丞左庶子方鵬奪俸四月

嘉靖十一年壬辰林大欽廣東潮州府海陽縣人官修撰卒是科禮部尚書夏言上疏請正文體諸刻意騁詞浮誕磔裂者擯不得取詔可既廷

試言復令儀制郎約束諸進士皆拱聽而大欽
獨後至不聞也策起不用冒而文氣甚奇吏部
尚書汪鏐得之詫曰怪哉以示大學士張孚敬
已定第三復覽之曰雖破格甚明健可誦也取
為第二既呈覽上御批第一是科著名者王
畿山陰人榜眼在天順山西汾陽人

嘉靖十四年乙未韓應龍浙江紹興府餘姚縣人
官修撰卒初大學士李時等以取中李璣等十

二卷進呈 上批應龍卷曰是題本意可第一

甲第一名批孫陞曰說仁禮之意好可第二名

批吳山曰敬為心學之極此論好可第三名是

科著名耆耋世臣成都人王維禎華州人會元

許穀上元人諸樊餘姚人薛應旂武進人

王字
臨晉人

嘉靖十七年戊戌茅璣浙江杭州府錢塘縣人官

至吏部侍郎內閣初擬長洲陸師道狀元御筆

批作二甲第五改袁煊第一文華殿宣讀已出

復召大學士李時夏言學士顧鼎臣入改煇第
三擢茅璚第一是科著名者沈鍊山陰人茅坤
歸安人

按是科禮部尚書嚴嵩劾應天試錄批語考官
既不填名事屬不敬又策題以國家祀戎大事
為問所對語多譏諷主考官諭德江汝璧洗馬
歐陽衢令錦衣衛逮治提調官府戶孫懋府丞
楊騏御史何鉉沈應楊南京法司究問同考官

學正許文奎等所在撫按逮問中式舉人不許
會試後謫汝璧廣東市舶司副提舉衡南雄府
通判又劾廣東所進試錄如聖謨帝懿四郊上
帝俱不行擢頭及陳白沙倫迂固之號有失君
前臣名之義且錄中文體大壞詞義尤為荒謬
宜治罪得旨考官學正王本才等布政陸杰等
按察司使蔣淦等俱命巡按官逮問本才奪其
禮幣御史余光命法司逮問仍通行天下提學

官嚴禁士子敢肆為恠誕不遵舊式者悉黜之
嘉靖二十年辛丑沈坤直隸淮安府大河衛籍蘓
州府崑山縣人仕至祭酒為御史林潤所劾下
詔獄庾獄中是科著名者會元陸樹聲華亭
人高拱新鄭人董份烏程人王忬太倉人

嘉靖二十三年甲辰秦鳴雷浙江台州府臨海縣
人官至南京禮部尚書初讀卷已定吳情第一
曰北音吳字讀無上曰無情豈宜居第一遂

置第三而因殿幡結雷字乃拔鳴雷為狀元是
科著名者會元瞿景淳常熟人沈束會稽人徐
學詩上虞人李攀龍歷城人

按是科言官以崔鑾二子汝儉汝孝既聯中鄉
試又聯中會試而汝儉師崔奇勲汝儉至戚焦
清皆得中式於是初主考左庶子江汝璧同考
編修彭鳳歐陽暎及房考修撰沈坤之中陸燦
員外高節之中彭謙汪一中皆以賄故且追論

癸卯順天主考秦鳴夏浦應騏阿奉崔鑾之罪
上怒勒鑾以詔杖汝璧鳴夏應騏各六十革職
閑住不叙坤仍舊供職一中燁存留廷試節充
軍汝儉汝孝奇勲清謙及鳳暎俱為民言官又
論順天鄉試冒籍中式者工部侍郎陸傑子光
祚太僕卿毛渠子延魁鴻臚卿陳璋子策及孫
鎡等十三人得旨光祚延魁策姑存留不許會
試孫鎡孫鏞王宸陸宏及錦衣衛太監院見任

官子侄存留會試鄭夢綢陶大壯沈譜丁子載
翟種玉陸可成俱詐冒籍貫發回原籍入學肄
業仍得應其本省鄉試內第九名陶大壯改名
大順復舉戊午浙江第四名又與其子允淳同
中乙丑榜進士上以山東試錄第五問防邊
策語含譏刺禮部奏乞逮治上曰各省鄉試
出題刻文悉聽巡按考試官莫敢可否業經職
司監臨事得專任命逮治廷杖死布政以下降

邊方襍職

嘉靖二十六年丁未李春芳直隸揚州府興化縣
籍應天府句容縣人仕至少師兼太子太師吏
部尚書中樞殿大學士卒贈太師謚文定是科
著名者張居正江陵人楊繼盛容城人汪道昆
歙縣人王世貞太倉人

嘉靖二十九年庚戌唐汝楫浙江金華府蘭谿縣
人仕至春坊諭德閣住後以從龍舊臣加太常寺

卿致仕是科著名者會元夏傳器南安人錢有
威常熟人徐中行長興人吳國倫興國人宗臣
興化人

嘉靖三十二年癸丑陳謹福建福州府閩縣人官
修撰明年以公誤謫推官累官中允丁憂歸卒

嘉靖三十五年丙辰諸大綬浙江紹興府山陰縣
人仕至吏部侍郎兼侍讀學士卒贈禮部尚書
謚文懿初閣臣擬會稽陶大臨為狀元上見

大臨二字不喜乃曰大臨不如大綬遂改文懿
為第一是科著名者林潤莆田人陸燦長洲人
嘉靖三十八年己未丁士美直隸淮安府清河縣
人累官吏部左侍郎兼侍讀學士卒贈禮部尚
書謚文恪是科著名者王世懋太倉人

嘉靖四十一年壬戌申時行直隸蘄州府長洲縣
人仕至少師兼太子太師吏部尚書中樞殿大

學士卒謚文定是科著名者王錫爵太倉人許

孚遠德清人

嘉靖四十四年乙丑范應期浙江湖州府烏程縣人累官國子監祭酒致仕後為惡少所齟齬巡按邑令共為排擊竟自縊以是科著名者歸有光崑山人

穆宗昭陵

隆慶二年戊辰羅萬化浙江紹興府會稽縣人仕至禮部尚書卒贈太子少保謚文懿初內閣取

李長春王家屏田一儁已定矣內旨忽於二甲
中拔取萬化等三人而長春三人抑居二甲是
科著名者沈一貫鄞縣人朱賡山陰人胡友信
德清人

隆慶五年辛未張元忭浙江紹興府山陰縣人授

脩撰陞左春坊左諭德時人稱為忠孝狀元給

事姚宗文請崇祀孔廟萬曆間特謚文恭是科

著名者會元鄧以讚新建人黃洪憲秀水人嘗

志道吳縣人

神宗慶陵

萬曆二年甲戌孫繼皋直隸常州府無錫縣人官
至吏部左侍郎是科著名者會元孫鏞餘姚人
趙南星高邑人邢侗臨邑人

萬曆五年丁丑沈懋學直隸寧國府宣城縣人官
修撰上書論首相張居正奪情起復不合移疾
歸是科著名者馮琦臨朐人鄒元標吉水人會

元馮夢禎秀水人蘓濬晉江人楊起元歸善人
萬曆八年庚辰張懋修湖廣荊州府江陵人首輔
張居正子 上特拔之曰以報元輔壬午江陵
敗革職為民是科著名者顧憲成無錫人

萬曆十一年癸未朱國祚浙江嘉興府秀水縣人
累官禮部尚書東閣大學士是科著名者曾元
李廷機晉江人湯顯祖臨川人鄒德溥安福人
萬國欽新建人郭正域江夏人葉修南昌人葉

向高福清人

按是科鄉試外議籍籍咸謂湖廣解元必首輔
張居正少子會居正卒不果而復中少宰王篆
子之衡應天亦中篆子之昂篆居正至戚也於
是南給事中疏論居正前私其子嗣修懋修登
第而併及篆二子人及監試主考等官有旨以
居正篆俱削籍諸子俱革為民

萬曆十四年丙戌唐文獻直隸松江府華亭縣人

官至禮部左侍郎掌翰林院事是科著名耆老
黃嘉善人

萬曆十七年己丑焦竑南京旗首衛籍山東日照
縣人官修撰丁酉為順天副考場中取士文多

奇詭用老莊語論者因言中有關節偏坐竑降
福寧州同知中式數人亦被革黜是科著名者

會元陶望齡會稽人董其昌華亭人郝敬京山
人高攀龍無錫人黃輝成都人王肯堂金壇人

劉曰寧南昌人朱國禎嘉興人周如砥福建人
萬曆二十年壬辰翁正春福建福州府侯官縣人
以龍谿教諭登第歷禮部尚書兼翰林院學士
掌詹事府事是科著名者會元吳默吳江人袁
宏道公安人顧天峻崑山人沈演烏程人舒曰
敬南昌人李升元晉江人朱爕元山陰人何喬
遠晉江人姚文蔚錢唐人

萬曆二十三年乙未朱之蕃南京錦衣衛籍山東

在平縣人 歷官吏部右侍郎兼翰林院侍讀學

士協理詹事府事是科著名者會元湯賓尹宣

城人孫慎行武進人曹學佺侯官人王思任山

陰人

萬曆二十六年戊戌趙秉忠山東青州府益都縣

人歷官左春坊左庶子提花是科著名者會元顧起

元南直人黃汝亨仁和人熊廷弼公安人

萬曆二十九年辛丑張以誠直隸松江府青浦縣

人歷官左春坊左中允是科著名者會元許獬
同安人葛寅亮錢唐人劉宗周山陰人李邦華
吉水人

萬曆三十二年甲辰楊守勤浙江寧波府慈谿縣
人舉會試第一歷官左春坊左庶子

萬曆三十五年丁未黃士俊廣東廣州府順德縣
人官至太子洗馬是科著名者楊連應山人左
光斗桐城人素化中武定人

萬曆三十八年庚戌韓敬浙江湖州府歸安縣人
舉會試第一擢殿撰其房師為湯賓尹取別房
落卷洗其塗抹力薦中元為言官所忝冠帶閒
住尋起南京行人司副行人以終是科著名者
王象春新城人王濬益都人鍾惺景陵人陸夢龍
山陰人文翔鳳三水人錢謙益常熟人

萬曆四十一年癸丑周延儒直隸常州府宜興縣
人以會元登第官至少師中樞殿大學士再入

政府視師行遣崇禎癸未逮至京師賜自盡是
科著名者周順昌吳縣人繆昌期江陰人周宗
建吳江人范景文順天人

萬曆四十四年丙辰錢士升浙江嘉興府嘉善縣
人歷官至東閣大學士無禮部右侍郎致仕歸
是科著名者方應祥西安人黃尊素餘姚人魏
大中嘉善人萬燦南昌人

按是科放榜後都人口語籍上謂會元沈同和

目不識丁房考給事中韓光祐聞之召同和至
面試之果曳白光祐即上疏自劾得旨三法司
逮問前四篇係夾帶後三篇係第六名趙鳴陽
代作沈同和遣戍趙鳴陽革籍為民

萬曆四十七年己未莊際昌福建泉州府永春縣
人舉會試第一及第後官修撰累至某官是科
著名者顧錫疇崑山人李若愚漢陽人施邦曜
餘姚人

熹宗 定陵

天啟二年壬戌文震孟直隸蘄州府長洲縣人官
至東閣大學士兼禮部右侍郎居政府不久為
烏程所擯予告歸是科著名者陳仁錫長洲人
倪元璐上虞人黃道周福建鎮海衛人吳麟徵
海鹽人徐石麒青浦人

天啟五年乙丑余煌浙江紹興府會稽人官修撰
魯監國時歷禮兵二部尚書以節是科著名者

凌義渠烏程人白楹莘縣人盧世淮涑水人萬
元吉南昌人高倬忠州人侯峒曾嘉定人袁繼
咸宜春人

思宗

崇禎元年戊辰劉若宰直隸安慶府懷寧縣人官
修撰陞某官卒是科著名者會元曹勳嘉善人
黎元寬南昌人金聲嘉魚人張采太倉人汪偉
休寧人王章武進人金鉉順天人黃端伯新城

人徐沂長洲人

崇禎四年辛未陳于泰直隸常州府宜興縣人官

修撰告病歸是科著名者張溥太倉人楊以任

瑞金人楊廷麟清江人左懋第萊陽人馬世奇

無錫人成德懷柔人唐兆恒永豐人

會元楊嗣修

崇禎七年甲戌劉理順河南開封府杞縣人仕至

左中允甲申成難謚文正是科著名者會元李

青金壇人陳際泰臨川人許直如阜人劉侗麻

城人劉成治江西人吳鍾巒武進人

崇禎十年丁丑劉同升江西吉安府廬陵人官修

撰國變後入閩仕唐為某官以病卒是科著名

者夏允彝嘉善人陳子龍華亭人揭重熙臨川

人胡夢泰鉛山人胡偉進賢人榜眼陳人

崇禎十三年庚辰魏藻德北直隸通州人官修撰

癸未大拜進東閣大學士國變降闖賊追賊身

受五毒闖賊逃斬於西市是科著名者陸培仁

和人劉中藻安福人傳鼎銓金溪人徐敬時鉛山人李向中鍾祥人金堡仁和人

崇禎十六年癸未楊廷鑑直隸常州府武進縣人

官修撰仕清朝為松江府學教授是科著名者黃淳

耀嘉定人吳易吳江人李待問華亭人顧咸建

崑山人王景亮吳江人劉曙長洲人梁于涖江

都人龔廷祥無錫人盧象觀宜興人溫璜湖州

人鄭為虹歙縣人周定初南昌人吳聞禮休寧

人會記

石園書曰我明制科自洪武辛亥至崇禎癸未凡八十八科為年二百八十有二其間以舉業起家著名當世者每科不過數人而強半又以帖括見收終歸學究及問其為大節義大經濟大學問之人指又不能多屈矣蓋天地生才之難朝廷得才之不易其相厄如此凡職司選舉者不當矢公矢慎暗中摸索以求不負朝廷不負天地乎而乃世衰道微科場流弊

為錢神所奪者什之三為豪貴所奪者什之五以利
下寡而額數分惠貧窮力學之人主司又未必具眼
取必得人乃盲收暗錄間或私通關節借重一二知
名之士點綴榜中以塗世人耳目凡宿學高才負囊
擔簣倍伴新貴人一番勞碌三年辛苦又撒之東洋
大海矣世間公道人心止仗此一絲以繫漢九鼎乃
復紊亂若此又安望場屋得人以救茲禍亂哉